

寶星陀羅尼經卷第二

湯一

唐天竺波羅頗蜜多羅譯

本事品第二

時魔妓女及魔王諸子并其眷屬白佛言希有婆伽婆我等今者志求如是相如是性如是乘如是辯才智慧如是神通大悲方便希有婆伽婆具足如是智慧方便神通等法婆伽婆具足幾法能令菩薩摩訶薩遠離惡友速得阿耨多羅三藐三菩提佛言善男子若菩薩摩訶薩能具四法遠離惡友速疾常得阿耨多羅三藐三菩提何等為四一者不取二者不說三者不見四者空無分別善男子云何不取所謂不取一切法無一法可得不受不捨不可非不可不建立不念著不分別非不分別所謂行檀波羅蜜不取檀波羅蜜果不受不捨不可非不可不建立不著不分別非不分別乃至行般若波羅蜜亦復如是不分別非不分別復次善男子云何不說所謂

不說衆生可得 不說命者 不說壽者 不說人不說衆生界 可得 不說有意有所取 乃至不分別 非不分別 復次善男子云何不見所謂不見色聲香味觸法 不取色聲香味觸法 乃至不分別 非不分別 復次善男子云何空無分別 所謂一切三世三界陰界入等因緣果報所緣之法 無起無依 無有生相 不取不捨 乃至不分別 非不分別 何以故 捨離一切行 一切持 一切身及分別 不分別 故一切智種智相應 不可得 故當如是行 所以者何 善男子 一切法及一切智 乃至無聲無相 無字無願 無生無滅 無體無著 無緣無我 不可見寂靜 離相 離念 離滅 無闇 無明 無處 所無境界 無根本 無伴 助不可思 不可量 無施 無慳 無行 無說 無深 無淺 無受 無依 無識 無取 無影 無一念 項無分 齊無所有 畢竟無所有 何以故 一切智等 猶如虛空 相應 不可得 故不立 相應 不取 相應 不行 相應 若相應 若不相應

不分別非不分別當如是行善男子是名具足四法能令菩薩摩訶薩遠離惡友速疾當得阿耨多羅三藐三菩提善男子所有一切內外境界若以一切智智觀察推求依持建立著此二相以意分別起二著故彼便遠離一切智也云何二相若觀察入等取立二相是名遠離一切智也若取立行果是二分別於諸眾生有取立相是二分別開示施設語言之道建立摠持音聲之法以智觀察是斷是常是二分別眾生壽命養育人丈夫作使作想建立依持是二分別此彼所有建立等量不建立等量是二分別若以一切智智觀察三世推求我作集業所作彼此取立是二分別若以分別有二相者則不能得一切智也善男子如寒求火而返取地如渴求飲而返取火如飢求食而返取石如莊求華而返取衣如薰求香而返取尸如行求衣而返取垢如塗求香而返取空如是如是善男子若行執著觀察

是身取立二相求一切智者徒捐精進無道無果亦時眾中有一菩薩名曰持智從座而起於世尊前曲躬合掌作如是言婆伽婆若法不可說彼不能得菩提佛言汝今當知無得菩提亦無菩提可說善男子諦聽諦聽汝問如是如汝所樂隨汝意說若所有物若一切智有性有相有名字即持智菩薩白佛言不也婆伽婆若有言說即墮常見若無言說即墮斷見乃至中道亦不可得非有非無不取不著不生不壞過阿僧祇不可量不可數無間無明若如是觀乃得菩提電慧菩薩言婆伽婆無來無去如是善知如是善入乃得菩提毗盧遮那菩薩言如是婆伽婆法不到相非不到相非得時非不得時非作證非不作證非滅非不滅非三世非不三世非三乘非不三乘亦非行願合集稱量可得如是知者乃得菩提地慧菩薩言婆伽婆若一切法非三界非三結非三明非三乘非陰界入非

分別非不分別非減非增無有合集如是知
已乃得菩提金剛慧菩薩言凡夫法聖人法
學法無學法聲聞法辟支佛法非分別非不
分別亦非合集稱量之所能知如是知者乃
得菩提堅慧菩薩言如如寂靜如如觀察不
捨不住乃得菩提寶手菩薩言若一切法不

生不到不時無分別相乃得菩提不思議慧
菩薩言若以觀察三界心計入在心是名二
心如是二心觀察不可得者以無所得乃得
菩提退怨菩薩言若一切法無著無貪無捨
無礙無願無癡無執無放乃得菩提蓮華藏
菩薩言若罪福性等入是如法深忍不著我

我所作非分別非不分別如是觀者乃得菩
提月光菩薩言若觀一切法聚散隨緣無有
目性猶如水月如是解已乃得菩提虛空慧
菩薩言若一切諸法有闇有明有生有滅有
增有減不於諸心數法而起分別如是知者
乃得菩提無盡意菩薩言若修習三輪清淨

波羅蜜相應不可得不染非不染如是修者
乃得菩提彌勒菩薩言若不緣不受三界依止
梵住依止乃得菩提文殊師利菩薩言婆伽
婆若解甚深一法門者於一切法不染非不
染一法門者所謂無我了彼一法不覺不觀
無有將來亦無送去亦無可聚可散可明可

闇可生可滅可增可減可解脫者不應染濁
無分別故以一法門一切智智乃得菩提懷
愛樂菩薩言文殊師利如是一法門一切智
智悉入如法甚深空處何故意有所作及修
行方便文殊師利言捨離惡見修行正見不
妄置立捨諂曲心修質直行不妄置立捨離

十惡敬重三寶不妄置立善說不妄置立正
命不妄置立捨一切結不妄置立大悲平等
不捨一切衆生不妄置立三護不妄置立無
虛誑法不妄置立不生不滅不妄置立護持
正法不捨一切衆生不妄置立捨一切所有
不妄置立少力衆生加以強力不妄置立怖

畏者得歸依不妄置立非道者示正道不妄置立忍辱柔和不妄置立不執著一切相不妄置立捨離一切塵垢闇陰不妄置立捨離一切迴向果報不妄置立善男子此二十種方便能得一切智智所有文字音聲語言句義差別如是一切皆名入一切智智方便一

切如來所說及餘外道所說一切取捨生滅乃至能知一切三解脫依止因緣業行之法悉入於如當知皆是一切智覺智方便也懷愛樂菩薩言如是如是文殊師利若解甚深一法門者無一法可見亦無所說法及以能說者乃至文字句義皆應悉捨若修行若識

知無有相應如是一切名入智覺智佛言善哉善哉善男子汝能善說此一法門以一切智智乃得是法云何一切法不妄置立所謂不生不壞際不妄置立生死涅槃際不妄置立虛空涅槃際不妄置立無生無說際乃至一切諸法亦復如是示一切衆生一切法無

湯二

五

實際示一切著物一切三世三界陰界入等無所有際入三行空際入法陰報陰聚散陰無實際入空入實際具足一切無說法義是名菩薩摩訶薩入一切智智復以一切智智而得受記說是法時魔諸妓女及魔王子眷屬二萬聞佛所說同時皆得無生法忍悉捨

身意所有塵業得自性生身復有二萬八千衆生得無生法忍九十二萬天人得菩薩種種三摩提陀羅尼無生法忍亦時得無生法忍諸菩薩摩訶薩等雨天衆華散於佛上繽紛而墜猶如雨下頭面著地頂禮佛足作如是言娑伽婆我等若值不善惡友與惡和合

自在作惡於一切衆生一切功德善根之聚終不能起一念善心佛言善男子汝往過去無量億劫親近供養無數諸佛以此業緣今生愛樂還得值佛我今爲斷衆生疑故當爲汝說宿世因緣善男子乃往過去無量無數阿僧祇劫有劫名曰具足大勢此閻浮提有

轉輸王名優鉢羅華得自在力統四天下王
及臣民皆壽六萬八千歲時世有佛号月光
明香勝如來應供正徧知明行足善逝世間
解無上士調御丈夫天人師佛世尊彼國眾
生雖居五濁以修善故不染欲法尔時彼佛
常為四眾宣說三乘相應之法時優鉢羅王

嚴四種兵與其夫人後宮眷屬往詣彼佛月
光明所到已頂禮佛足散種種華燒種種香
作眾妓樂供養佛已右繞三匝并復頂禮比
丘僧足以此二偈讚問彼佛

天龍所仰大功德 過患永斷無上尊
以七法財利世間 願說何等得妙慧

作大慈燈滅世間 降伏墮生老死憂
能遮人天三惡趣 說何等法脫魔道

善男子尔時彼月光明香勝如來告優鉢羅
王言大王具足三法能得菩薩微妙智慧何
等為三一者大悲如母能作一切眾生極依
止處二者精勤不息能滅一切眾生苦惱三

滿二

六

者等觀一切諸法無命無養育無人無種種
相大王是名具足三法能得菩薩微妙智慧
大王復有具足三法能令不著魔羅何等為
三一者所謂於一切眾生得不起瞋不求過
短二者平等觀一切眾生作福田想三者能
得一切法作一法觀所謂虛空等一切法無

作無種種無生無起無滅一切空如實相捨
離不可得相應觀大王是名具足三法今善
男子不著魔羅永脫魔道時優鉢羅王第一
夫人名天孫陀利共彼宮人采女八萬四千
人俱前後圍繞往彼月光明香勝如來所到
已以種種華散彼佛上頂禮佛足以偈讚曰

煩惱翳障已永盡 無比功德解脫尊
云何教我轉女身 令我具足男子相

速疾遠離諸惡趣 於法自在心調柔
最上善逝天人師 能與世間第一利
如蒙世尊捨女身 當得歡喜寂滅樂
云何速說此丈夫 自調調他利益者

我得出離恩愛坑 世間無等最第一
念持廣大功德聚 能速調伏諸群生
今我於此必取轉 惟願速開甘露道

尔時釋迦如來作如是言善男子彼月光明香
勝如來告優鉢羅王第一夫人孫陀利言夫
人有智方便當依修習速轉先世所種女身

湯一

七

乃至阿耨多羅三藐三菩提究竟涅槃更不
重受除自發願夫人依何方便無量先世所
種女業速盡無餘夫人有寶星陀羅尼建立
大事具大功德能大擁護善滅女身三業惡
行一切苦報令無有餘若有女人聞此寶星
陀羅尼至心誦念盡此女形後生當得端正

丈夫一切身分悉皆滿足具質直行有大辯
才身口意業善相和順能令現在未來一切
怨嫌悉皆退散若有身口種種惡業現在將
來應受苦報以聞寶星陀羅尼威神力故所
作惡業現世消滅無復遺餘置作五逆誹毀
正法謗聖人者以聞是經威德力故至其身

盡即捨命時如是等罪亦皆隨滅畢竟無餘
若有女人身口所造惡業果報量等須彌後
世定受無量眾苦如是種種苦報種種業障
種子餘報以聞經力盡滅無餘所以者何由
過去一切諸佛阿羅訶三藐三佛陀說此寶
星陀羅尼經受持讀誦現前讚歎稱揚隨喜

是諸眾生所有苦報以經力故悉皆滅盡所
作善根隨時增長若十方刹土現在諸佛阿
羅訶三藐三佛陀為眾生故各各方面說此
寶星陀羅尼經眾生聞者歡喜愛樂所有罪
障無不消滅所作善根皆令增長若當來世
十方刹土一切諸佛說是經處乃至一念生

歡喜心是諸眾生皆得盡苦增長善根我於
今者亦說此經若有聞者皆當隨喜十方現
在諸佛世尊說是經處當共稱揚當共歡喜
夫人若有已受重印刹利王至他土境得此
寶星陀羅尼經書持愛樂者以經力故彼刹
利王威德高遠有大名稱徧滿十方無量國

土乃至一切欲色界天聞其德聲一切天龍
夜叉乾闥婆等無量俱胝那由他百千萬億
刹利諸王常所隨逐所共守護彼王國土所
有一切闕諍饑饉他方怨敵風雨寒熱疫病
過患皆得除滅一切惡鬼夜叉羅刹師子象
狼皆生慈心雖在其國不為損害其王國土

湯二

八

亦無一切麤澁苦味惡觸痛惱無不消滅一
切財寶五穀果實藥草華葉滋茂美味皆得
增長若受印刹利王欲與敵國餘刹利王共
鬪戰時應懸此經置自幢頭以經力故彼怨
敵王所有兵眾自然退散若彼二刹利王受天
印者共交戰時各懸是經置二幢頭以經威
力時彼二王便相欽愛共結和好如是成就
無量功德利益安樂一切人王是寶星陀羅
尼經隨有之處若城邑聚落若人非人四足
多足諸惡毒蟲無有能令聞是經者疾病橫
死及故惱亂若是經典所在之處應當盡心
設大供養應以供養之具奉迎此經亦以經

卷置師子座讀是經人及聽經者應當至心
清淨洗浴香油塗身著新淨衣受持梵行散
雜色華燒眾名香種種美味恭敬圍繞供養
是經其人若有一切病苦橫死之厄及以怖
畏惡相之徵以經力故悉滅不現若有女人
為求男女皆應澡浴著新淨衣修習梵行燒

香散華恭敬供養是妙經典便生福德智慧
男女如是女人雖不為己以經威重熏修入
故捨身之後乃至阿耨多羅三藐三菩提及
得涅槃畢竟不復受女身也除自發願成熟
眾主夫人隨聞此經一偈一句一聲經耳乃
至飛禽走獸聞此經者亦復如是皆得捨彼

湯二

九

畜生之身亦令一切速得不退阿耨多羅三
藐三菩提善男子彼過去月光明香勝如來
說是經時便以右腳拇指觸地如此世界六
種震動釋迦牟尼如來今說此經亦復如是
佛神力故時此佛刹山河大地六種震動十
方無量阿僧祇天龍夜叉乾闥婆阿脩羅迦

樓羅緊那羅摩睺羅伽薛荔多毗舍遮鳩槃
茶人非人等皆生疑惟一切佛刹大光徧滿
地平如掌須彌山輪圍大輪圍樹林墻壁悉
隱不現當地動時彼諸天龍夜叉先懷疑惟
如來神力所加被故諸天龍等四方觀望去
一箭道便見釋迦牟尼如來各各驚喜生希

有心一時合掌瞻仰世尊亦時釋迦牟尼如
來作如是言善男子過去月光明香勝如來
說是經時以脚觸地六種震動而此佛刹平
如水面一切天人皆生疑惟四方觀望去一
箭道便觀彼佛月光明香勝如來見已合掌
生希有心善男子彼月光明香勝如來即於天

龍大眾之中為衆生故說此寶星陀羅尼呪曰
多地也他閻盧計一閻盧迦某計二閻梨閻
羅三閻梨你四閻羅婆囉帝五閻四利六婆
囉布樓沙羅又那婆摩婁四邪七阿摩迷阿
摩迷八婆摩迷婆摩迷九那婆迷十摩呵迷
十一閻呵迷十二閻呵迷吐婆羅迷十三婆羅迷十四

婆羅迷十五婆羅迷十六婆婆鞞劫婆呵鞞十傍
伽鞞九婆閻鞞十二婆羅多婆利節二十閻呵
迷吐二十三婆羅鞞三十一阿羅閻四離四十二禪
堵離五十二禪堵母候六十二婆呵囉七十二婆呵
囉八十二迷陀唎囉帝九十二檀地羅十三檀地馱
羅三十一蘇利耶毗呵吐三十一梅達囉毗呵吐

三十斫莠殊底沙毗呵吐三十三薩婆叉耶十三
五悉底履墪蘇囉三十一毗呵吐三十一閻吐伽
三十閻吐伽九三蘇吐伽十四毗呵摩四十四阿
沒履吐四十四阿沒履吐三十四阿沒履吐四十四
阿沒履吐四十四阿沒履吐六十四阿沒履吐四十四
七阿沒履吐八十四阿沒履吐九十四阿沒履吐
湯二

十五沒履吐沒履吐沒履吐一十五毗婆後陀羯
摩二十五度泥度泥五十五鬱波陀毗耶後陀十五
四若那訖履哆五十五阿訥哆波陀五十五吐伽
離紐迦七十五鴛各餘八十五朋瞿餘九十五毗簿
俱餘十六俱羅呵一十六因陀囉鉢履婆呵一十六
毗也婆後陀揭婆三十一遮婆囉底四十六遮婆

以四天下委授太子即與夫人天孫陁利丈夫并其千子共八萬四千天孫陁利丈夫譚及九萬二千諸餘民庶於月光明香勝佛所信家非家捨家出家剃除鬚髮而被法服既出家已勇猛精進讀誦受持意樂寂靜時彼無量俱胝那由他百千衆生皆生是念何故轉輪聖王出家入道其著邪者各共相謂作如是言此香勝如來勤樂魔業解作詭幻或時轉女人根成丈夫相或時剃除鬚髮隨與染衣或爲生天上故說生天事或爲生人中故說人中事或爲畜生中說畜生事或爲餓鬼中生說餓鬼事或爲地獄中生說地獄事或說不生不滅之法或復幻作女人之身勤樂魔業具如上事彼月光明作沙門像我今決定離此住處不忍見彼沙門形相亦不欲聞所出語言時彼衆中鳩摩羅臣心生疑倒向彼國人作如是言我等所有妻妾侍女皆被沙門之所幻化改其女形作丈夫質變

湯二

十一

化一切剃髮染衣惟我獨身懷憂得脫我今當入深山險谷無人之處如仙人遊避其妖幻汝等一切共我和合可相隨去慎勿入彼沙門魔羅鄙幻沙門我今不欲聞其音聲何況目覩而彼目民未得心者聞其所言一切歡喜鳩摩羅目說是語時無量俱胝百千衆生皆墮邪網復爲衆生宣說邪法無有生死亦無解脫作善作惡未來亦無諸業報果報此虛誑沙門勤行魔業若往見彼若禮拜彼若聽彼法惑亂人心惟欲剃髮捨家塚間修行日惟一食以乞自資樂寂靜處入房少語常馱五欲妓樂歌舞捨離華鬘塗香散香嚴身之具亦復不樂種種華飾醉酒昏姪適情之事而彼沙門勤樂宣說行魔羅道即是一切衆生怨家我本不見不聞沙門所作令無量俱胝百千衆生見如是相往昔已來亦未曾覩此惡見者善男子復於後時優鉢羅大沙門聞其國人逃竄山谷或復自行惡見復

教餘人令著惡見毀此三寶謗正為邪聞是事已即自思惟若彼眾生皆墮惡見不得解脫不住正見不利益者不安立者我為沙門云何令彼未來之世盲冥眾生離三惡道去四魔羅未解脫者能令解脫乃至究竟令得阿耨多羅三藐三菩提湯二時優鉢鉢羅大沙門十一

作是念已即白月光明香勝如來言我於今者為眾生故發大勇猛行大慈悲便與無量百千衆生前後圍繞往彼邊地城邑聚落空山險處為諸眾生宣說正法若彼衆生墮惡見者我今當遮令入正見乃至教其安住阿耨多羅三藐三菩提或有願求辟支佛乘或求聲聞乘或安立聖果或令出家或勸受持優婆塞戒或八齋戒或三歸行或為安立一切女人具丈夫形斷女根業說此寶星陀羅尼呪乃至無量百千萬億衆生於如來邊曾生疑倒如是一切著惡見者我當遮斷令其發露作是教已悉令安立阿耨多羅三藐三

菩提皆於月光明香勝佛所俱共出家淨修梵行善男子鳩摩羅臣先作是願彼大沙門能說幻法破我徒衆誘我眷屬汝未來世當得佛時我還於彼作種種魔事所謂始處胎時為童子時盛年戲樂及出家時菩提樹下坐道場時我當種種惱亂種種破壞令其退

失菩提之心善男子時大沙門倍加勤苦勇猛精進遊其本國入彼山險慈語愛語種種譬喻開曉其民彼諸衆生成見本王聞其說法皆生歡喜即迴邪心斷昔惡見於沙門所求哀懺悔同發阿耨多羅三藐三菩提心鳩摩羅臣及其徒衆調伏邪心俱懷正信便作願言若大沙門具大悲者將來之世得阿耨多羅三藐三菩提時願垂為我授菩提記善男子汝等欲知往昔轉輪聖王優鉢鉢羅者豈異人乎今我身是也其王夫人天孫陀利者今彌勒菩薩是誹謗正法懷惡見臣鳩摩羅者今魔王是尔時無量那由他百千衆生聞

我說法共捨惡見住三乘道俱得出家及無量女人以經力故成丈夫者於今汝等大眾之中四部弟子是也善男子汝等今當信受我語聞說過去優鉢羅王本事之時勿生疑惑所以者何憶念在昔鳩摩羅臣見其眷屬及彼無量百千眾生同捨魔業在佛法中出家為道便起惡念願我當來與魔兵眾破汝眷屬遠如今日善男子汝等曾於月光明香勝如來所生不淨信作不善語以惡見執迷陷眾生值佛因緣而得解脫由一念善出家力故從是已來親近無量百千諸佛供養供給不生劬勞於諸佛所發大誓願心樂聽法乃至常行六波羅蜜汝等昔來以身口意所行惡業經無量劫常處三塗加諸苦惱業障所引生魔道中因我釋迦牟尼如來說此寶星陀羅尼故彼魔眾中五百妓女即轉女身同時皆得無生法忍無量無數那由他百千眾生一切世間天人大眾咸發阿耨多羅三

藐三善提心及得不退阿耨多羅三藐三善提無量無數那由他等百千眾生皆得不退聲聞辟支佛乘

寶星陀羅尼經卷第二

十四

金剛下音續紛反上反賓反下反芳文璽印反斯

天子印饑饉下日飢不熟不熱怨敵上音寬下

地的舊音云以此二四許器吐丘迦鞞多

篩反宜堵嶼字唵沒馱反唐賀菊楚埵

下果後昌爾若那上汝沒馱反唐賀菊楚埵

反棘爾帝你虱爾上乃跋反必我嚙呂口瑟音突

徒骨否方反又逃竄下音毀咎下音

作誘引也陷咸字沒劬勞上音

十五末

湯二

湯二